

靈寶領教濟度金書卷之十九

七

靈寶領教濟度金書卷之十九

戊七

洞微高士開光救苦真人竊金真授

靈寶通玄弘教水南先生林靈真編

科儀立成品

祈禳開度通用

立真師幕儀

步虛

洒淨

上香啓白

具位嗣法弟子某謹焚香供養

三洞四輔經籙法科祖玄真師列位真人經

籍度師列位真人恭望師慈俯垂省錄切以

清微御混茫之運玉字徘徊赤明開溟滓之

圖金書敷落羅三洞而上乘演妙貫九清而
下教舒玄聖日輝華萬派流芳於後覺玄靈
覆蔭千燈濟美於前修亶繇帝闕之網維實
藉師垣之柱石今有齋主某人為某事建某
齋今當肇啓玄壇肅敷丹範結盟證誓徼祖

戊七

氣於九霄招真召靈霈靈光於十極匪繇提
獎曷副虔祈欲望朱鳳清塵玄龍汎景辭玲
瓏之藥館曲映蟻忱御縹緲之芝帷恪敷鴻
貺翊扶玄教護正齋功法衆運誠修齋奉請
修齋奉請真師降臨壇所

雲輿已降鶴駕來臨齋事圓成還當
奉送

某謹上啓

三洞四輔經錄法科祖玄真師列位真人經
籍度師列位真人切以教闡玄元瑤範開先

於西蜀齋嚴靈寶瓊章丕振於東吳提幽顯
以乘晨浹圓方而啓旦孰主張是夙欽道德
之巍巍式輔翼之期罄忠誠之皎皎以今奉
爲某人建某齋惠徼真馭開朗宗乘伏念某
夙藉慶基幸逢昌運七經八緯莫觀妙於黃

房四雌五雄未凝玄於紫戶疏烟林之步武
回塵棘之精神切切惜分悠悠進寸況齋功
妙密羅萬帝以臨軒壇律精嚴檄千真而校
錄格未諳於俯仰心莫契於威儀豈輅洪禧
徒罹玄憲敢冀曲提後學許紹先猷扣清宸
九虎之關為敷丹幅降黃道六龍之御請霈
玄恩庶得鳴玉召靈流金滅試朱章露奏輝
輝登騫翠之林丹笈霞披勃勃恍玄珠之會
敷善功於遐邇圓齋事於始終疏牘啓壇謹
當敷露

宣疏

疏文控露師聽昭回顧風御之遲留勒雲輿
之暫駐玄壇宣德期克享於天心丹闕頌恩
諒昭從於人欲敷心激切皈命勤渠某不勝
虔禱之至

謝真師幕儀

華夏頌引至真師幕

上香

具位嗣法弟子某謹焚香供養

三洞四輔經籙法科祖玄真師列位真人經

籍度師列位真人切以三洞開光幽顯被如

天之福一乘演妙古今蒙若水之機告成幸
備於齋功歸美敢忘於師寶某昨自某日爲
某人建某齋仰荷師恩幸成釐事尤慮某屠
龍技拙附鳳材踈鴛鷺催班進止有違於玉
律龍鸞拱御對揚或冒於金科三元五帝之
刊圖十極四司之校籍冀敷雲錦敢罄珠環
解壇疏文謹當宣讚

宣疏

疏牋敷落師聽昭嚴願回有造之恩悉洗无
涯之咎曲提後學許紹先猷紫蓋凌霄已越

埃風於地大清都宴景誓宏化日於天長法
衆運誠修齋奉送

修齋事畢仰荷玄恩志心稽首奉送

真師

雲輿弗駐鶴駕難留仰望雲霄不勝

攀戀

向來

立左右二幕儀

華夏頌引至真師幕

上香

具位某謹焚香上啓

三洞祖玄真師列位真人經籍度師列位真人仰冀師慈俯垂明證切以壇律敷羅降諸天而校錄齋盟崇重徼列聖以監真肇宏修奉之規控露皈依之請以今奉爲某人修某齋立幕告齋登壇混景欲望慈悲應感智慧圓通特與關告靈寶玄師正一教主監齋真聖三元帝君經籍度師僉垂鑒映降玉垣之羽仗護正玄功承金闕之綸恩誕敷丹渥天人欣慶遐邇瞻依其不勝虔祝之至

華夏頌引至六幕

上香

具位某焚香上啓

三天化主玄中大法師真君三天大聖都天
大法天師正一靜應真君靈寶經師真君靈
寶籍師真君靈寶度師真君靈寶監齋大法
師真君恭望師慈曲垂省覽切以靈寶開光

伐七

四

祖氣雲羅於五億玄元演妙神功日赫於三
千惟道爲尊无師不度以今奉爲某人爲某
事今將肇啓玄壇肅敷丹範鸞旂迅景願辭
紫禁以遙臨鳳輦飛霄俯御青冥而下邁翊
扶正教提獎宗乘法衆運誠修齋奉請

修齋奉請六師降臨壇所

雲輿已降鶴駕來臨齋事圓成還當

奉送

獻茶

具位某上啓

三天化主玄中大法師真君三天大聖都天

大法天師正一靜應真君靈寶經師真君靈

寶籍師真君靈寶度師真君靈寶監齋大法

師真君切以始青出教彰聖海之汪洋大赤

垂科鑿帝江之浩蕩匪繇宗主曷遂闡張今

有齋主某人爲某事自惟逢心內曲徒招禍
福由已之愆葵志中迷莫輅視聽自民之澤
具有表牘謹用敷宣

宣表

表文控宣聖聰昭鑒願停輪而歛駐即御幕

戊七

以徘徊玄之又玄惠露涵濡於幽顯上極无
上真風披拂於邇遐齋福周圓宸禧不冒某
不勝虔祝之至

五

華夏頌引至三官幕

上香

具位某焚香上啓

天地水三官帝君恭望聖慈曲垂省錄切以
道冠虛无洞輔權衡於五劫教尊靈寶威儀
主宰於三元非誠莫通惟德是輔以今奉為
某人某事建某齋仰瞻鳳闕願旌蟻佃以時
歆俯邁龍輿已御芝圖而日監法衆運誠修
齋奉請

修齋奉請三官降臨壇所

雲輿已降鶴駕來臨齋亭圓成還當

奉送

獻茶

具位某上啓

天地水三官帝君切以運昭騰勝敷鴻貺以
傳真壇聳鬱羅肅鴛班而侍聖匪繇宗主曷
遂開張今有齋主某人某事自惟紅塵日涉
莫明黍稷非馨之玄紫氣天臨徒輅茅茨不
翦之譴具有表牘謹用敷宣

宣表

表文控宣聖聰昭鑒願駐帷而容與爲委轡
以遲留中有度人經緯普躋於壽域上无復
祖玄黃俱陟於福庭聖澤昭融齋功周備某

不勝虔祝之至

謝左右幕儀

具位某上啓

天地水三官帝君切以日近瑤壇喜拜玄元
之澤雲生瓊闕幸親道德之光敢證初忱恪

伐七

六

祈終惠臣向來奉為某人某事仰荷恩光克
諧圓滿重念某望洋凜凜坐井平卑教闡三
天莫霈清微之雨露齋敷九地懼貽紫極之
雷霆宣冀鴻私庶寬蚊負表文扣謝恭對披
宣

宣表

表牘控陳聖聰昭鑒願書功而捨舊庶改過
以知新綠輦丹輿諒返靈光於天上黃旗紫
蓋願敷祖氣於人間法衆運誠修齋奉送

修齋事畢仰荷玄恩志心稽首奉送

三官

雲輿弗駐鶴駕難留仰望雲霄不勝

攀戀

華夏頌引至六幕

上香

具位某上啓

三天化主玄中大法師真君三天大聖都天
大法天師正一靜應真君靈寶經師真君靈
寶籍師真君靈寶度師真君靈寶監齋大法
師真君切以誠徹六關喜際清光之邇澤覃
十極幸承紫氣之臨既畢朝儀重殫野悃某
向來奉為某人代十某事仰荷恩光七克諧圓滿重
念某坎蛙鄙識輟紉踈材玉陛承顏莫暢玄
釐之日赫瑤堦綴武慮嬰丹憲之霜明第切
心兢曾祈手援表文扣謝恭對披宣

宣表

表牘控陳師聰昭鑒願削前非於黑簡即宏
今是於青編碧靄九華諒返丹霄而容與紫
烟三素永敷黃混於逍遙法衆運誠修齋奉
送

修齋事畢仰荷玄恩志心稽首奉送

六師

雲輿弗駐驩駕難留仰望雲霄不勝

攀戀

向來

立將吏監臨幕儀

華夏頌引至將吏幕 上香

具位某焚香供養

本靖諸省府院司仙官將吏伏以道氣羅敷
廓虛无之聖化神功赫奕宏妙有之真機玄
壇既啓於齋盟丹簡宜徼於靈貺其先據某
人爲某事建某齋已稽詞而闕告諒飛馭以

前來爲詳激切之情寅領監臨之職今則芝
儀告備縻範將宣雲騎周回時行萬程而莅
止風驟迅邁俱會一處以來游法衆運誠敬
伸奉請

請神

茶酒 上香

某上啓

本靖諸省府院司仙靈官君將吏切以西靈
內禁儼劔珮以雲羅北闔中樞煥旌旄而星
列庶府鷹揚於聖武諸司虎視於神威翊教
三天宣符九地伐七凡齋修之建設宜壇律之衛
嚴以今奉為某人恭按真科惠徼洪蔭欲望
上遵帝令下副民情氣策黃中徵萬魔而掃
試神交碧落檄千真而致靈玄壇榜文謹當

宣示

宣榜

榜文敷露聖聽昭回願風幕之少留俾雲旗
而暫駐衛真護道勳崇三令之勤舉賞言功
格煥九遷之寵某無任懇禱之至

華夏頌引至監臨幕

上香

具位某焚香供養

靈寶齋壇虛空監察監臨翊衛一切威靈切
以帝御天關運樞機而制地神司地禁贊綱
紀以承天仰惟齋律之中嚴蓋仗靈威之外
翼先據齋主某人為某事建某齋已騰詞而

關告諒飛馭以來臨願詳激切之情為領監
臨之選今則芝儀告備藥範將宣畫戟前驅
擁虎符而迅邁玄旗後從駟駕以飛游法
衆運誠敬伸奉請

請神

茶酒

上香

其上啓

伐七

九

靈寶齋壇虛空監察監臨翊衛一切威靈切
以班崇九土稟勇智以持衡望峻一方亶聰
明而作鎮視政春融之玉紱宣仁天錫於金
章冰鑑无私水衡有則以今奉為其人為其

事欲望戒嚴部伍警肅疆隅故氣風清徹葵
忱於圓蓋靈光日赫微芝渥於方輿玄壇榜
文謹當宣示

宣榜

榜文敷露聖聽昭回願英蕩之遲徊勒檐帷
而暫駐監真衛法坐殫勲績於皇壇遷賞升
階行輅恩榮於紫極某無任懇禱之至

謝監臨幕三獻儀

步虛

洒淨

上香

某焚香上啓

玄壇內外監臨翊衛一切真靈切以玄壇日
近恪殫饗帝之恭方暮雲聯會肅召神之禮
幸慶成於齋福益歸美於靈聰爰露芥衷惠
延芝馭洋洋左右願少駐於珩琚昭昭見聞
敢少稽於瑤玖香風四舉梵氣齊飛法衆運

誠虔恭奉請

請神

初獻

其上啓

玄壇內外監臨翊衛一切真靈切以三氣開
圖握神機於紫極百靈受職參帝紀於黃垓

況靈寶之齋修布玄元之惠澤功沾今古化
洽人天凡有鋪陳必勞翊衛頃爲某人崇建
某齋仰徽威神之重僭露小心幸敷聖武之
隆恪扶大教達葵忱於帝所敷芝澤於神鄉
九醜飛奔有風靜雲藏之妙八威奮迅煥天
開地闢之功合幽顯以懽顏溥邇而加額
恩隆溟岱惠徹華夷將遵徹幕之彝諒遂回
輶之喜再陳菲禮庸罄蕘言執事恭陳亞獻

亞獻

切以天官舉迂按女青之玉格地祇護衛昭

太素之金科元勳既罄於玄壇厚賞隨班於
紫禁誠通朱表既騰景以告成恩煥丹綸必
依光而陟品某等羽儀八陛領袖群工慮塵
網之未清或玄機之尚鬱受事陽局易虧公
正之心効職陰曹多昧慈仁之旨悉祈委曲
普爲申明俾准格以宣勞毋向隅而棄力凡
有懇禱并賴維持某不勝虔祝之至

終獻

宣發回牒

文檄具宣神聰委鑒所冀中嚴衛警外辦凱
旋飲至相歡愈重神威於九鼎告成有慶多

膺天祿於萬鍾恭俟宸休宏登真職其不勝
懇切之至法衆運誠虔恭奉送

送神

回輶頌

回輶五雲輿

騰駕九章歌

倏忽升天遠

醮壇香氣多

玄恩覃宇宙

福祿遍山河

戊七

十一

緬想神仙路

逍遙上大羅

向來

靈寶領教濟度金書卷之十九



